

# ԼՂՀ ԿԵՆՏՐՈՆԱԿԱՆ ԸՆՏՐԱԿԱՆ ՀԱՆՁՆԱԺՈՂՈՎԻ

## ՆՈՐ ԷԼԵԿՏՐՈՆԱՅԻՆ ԿԱՅՔԷԶԻ ԲՆՈՒԹԱԳԻՐԸ

**Առաջին բլոգում** տեղ են գտել առաջնահերթ կարևորության բաժինները:

1. **Ողջունի խոսք** - ԼՂՀ ԿԸՀ նախագահի ողջունի խոսքն է կայքի այցելուներին:

2. **ԼՂՀ ընտրողների ռեզիստր** – Իրենից ներկայացնում է ընտրողների տվյալների բազա, որը, համաձայն ընտրական օրենսգրքի, թարմացվում է վեց ամիսը մեկ՝ հունվար, հուլիս ամիսներին, ԼՂՀ ռատիկականության կողմից տրամադրված տվյալների հիման վրա: Ներկայումս կայքում տեղադրված են 2015թ. հունվարի 1-ի դրությամբ ստացված տեղեկությունները: Ի դեպ, ընտրողների անհատական տվյալները հասանելի են միայն ՀՀ և ԼՂՀ տարածքից կայք այցելողներին:

3. **Օրենսդրություն** բաժնում տեղակայված են օրենքներ, ԿԸՀ որոշումներ: Նորություն է **Նախագծեր** ենթաբաժինը, ինչը հնարավորություն կտա հանրության ուշադրության կենտրոնում պահել ԿԸՀ կողմից մշակվող իրավական ակտերի նախագծման փուլը:

4. **ԼՂՀ ընտրական համակարգ** բաժնում ներառված են ընտրական համակարգի կառուցվածքի և պատասխանատուների վերաբերյալ տվյալները:

5. **ԿԸՀ նիստեր** բաժնում ԿԸՀ բոլոր նիստերի օրակարգերն են:

---

Առանձնացված է **ԼՂՀ ԸՆՏՐԱՏԱՐԱԾՔՆԵՐ** բլոգը, որն իրենից ներկայացնում է 11 ընտրատարածքների բաժանված ԼՂՀ ամբողջ տարածքի գծապատկերը, այդ ընտրատարածքներից յուրաքանչյուրում ներառված համայնքները:

---

**Երկրորդ բլոգում** տեղ են գտել հետևյալ բաժինները.

1. **ԸՆՏՐՈՒԹՅՈՒՆՆԵՐ** , որում կլինեն հանրապետությունում **կայացած** բոլոր տեսակների ընտրությունների (Նախագահական, Խորհրդարանական, ՏԻՄ, Հանրաքվե) վերաբերյալ տեղեկություններ:

**Ընթացիկ** ենթաբաժինն ավելի ընդլայնված ինֆորմացիա կպարունակի ընտրությունների նախօրյակին և ողջ ընթացքում:

2. Առանձնացված և առանձին կարևորություն է տրված նոր՝ **ԴԻՏՈՂՆԵՐ** բաժնին, որտեղ կլինեն Արցախ այցելած դիտորդների գրավոր եզրակացությունները, կարծիքները, ինչպես նաև դիտորդների վերաբերյալ տեսանյութեր և լուսանկարներ:

**3.ՏԵՂԵԿԱՏՎԱԿԱՆ ԿԵՆՏՐՈՆ** բաժնում կլինեն հարցազրույցներ , ՁԼՄ-ները՝ մեր մասին, հանդիպումներ, այցեր ենթաբաժինները: Նորություն է **Ընտրական քրոնիկոն** ենթաբաժինը, որն իրենից ներկայացնելու է տարբեր երկրների ընտրական պրոցեսների մասին տվյալների բազա:

**4. ՆՅՈՒԹԵՐ** բաժնում տվյալներ են ներառված մասնագիտական դասընթացների, կազմվող ուսումնական ձեռնարկների և ուղեցույցների մասին, ինչպես նաև վերլուծություններ, ԿԸՀ հաշվետվություններ:

---

**Երրորդ բլոգը** ներառում է **ՆՈՐՈՒԹՅՈՒՆՆԵՐ** և **ՀԱՅՏԱՐԱՐՈՒԹՅՈՒՆՆԵՐ** բաժինները՝ ԼՂՀ ընտրական համակարգի գործունեության վերաբերյալ պարբերաբար թարմացվող տեղեկատվությամբ:

---

**Չորրորդ բլոգը** պարունակում է՝

**Կայքի նախկին տարբերակը**, որը դեռ ակտիվ կլինի մեկ տարվա կտրվածքով:

**Ֆոտոարխիվ**, որն իրենից ներկայացնում է տարբեր ընտրություններից հավաքված ֆոտոդարաններ՝ հագեցված ժամանակակից տեխնիկական հնարավորություններով:

**Տեսանյութեր** բաժինն իրենից ներկայացնում է ԿԸՀ-ի տեսանյութերի ամբողջ արխիվը՝ առանձնացված ենթաբաժիններով, ինչը թույլ կտա սեղմ ժամկետում գտնել փնտրվող տեսանյութը:

**Օգտակար Հղումներ** բաժնում տեղ են տարբեր գերատեսչությունների վեբ կայքերի հասցեները:

---

**Կայքի ստորին մասում** տեղակայված են հետադարձ կապ, կոնտակտային տվյալներ, հասցե, ինչպես նաև մեր Youtube-յան, FB-յան էջերին հետևելու, գրանցվելու հնարավորություններ:

---

Նոր կայքում ավելացված է նաև **որոնման** հնարավորությունը, որը կհեշտացնի կայքում գտնել որոնվող նյութը:

Կայքը կլինի հասանելի եռալեզու՝ հայերեն, ռուսերեն, անգլերեն տարբերակներով:

Նոր կայքը կգործի [cecokr.am](http://cecokr.am) հասցեով: